

CHIETU CUCCIUCCIU MEU!

Su diaul'e canaglia!  
Te Ball'uggia chietu,  
ch'appena essis derettu  
ti puntas pro sa quaglia.

Ses cucciucciu e mancu idu  
nond'has'e fatt'a su seru:  
che cane chi nd'hat abberu  
attera olta ispididu!  
Ses perdende su sentidu  
pro li fagher sa battaglia  
in mesu cussa fenaglia  
chi ti podes insaffare!  
Mal'appat e casciare  
Su diaul'e canaglia!  
Sempre chi senus indomo  
ti fatto a'avvertimentu!  
ma tue, plus'attentu  
ses puntadu finas como.  
M'obbligas ch'ee ti domo  
cun calchi mesu discrettu!  
Mi dolet pro tant'affettu  
ma tue pro cantu t'amo  
non m'intendes cande giamo  
te Ball'uggia chietu.

S'haeres sensu e rejone  
dias cumprender s'istoria:  
ca s'enit sa menatoria  
e t'idet! malaiscione!  
a sa contravensione  
culpa tua so suggestu  
ed'eo tand'a dispettu  
ei ti neghera su pane  
finis cun s'acciappa-cane  
appena essis d'erettu!

Lassala colsa pasada  
ca s'haeret pumas bellas  
fit bolad'in sas istellas!  
ma send'a pumas rasada  
terra-terra s'accoada  
la sighis tue canaglia!  
Però cun cadena a maglia  
e crabistadu su musu  
chelso creer chi non piusu  
ti puntas pro sa quaglia.

*Pinna Giorgio*  
*Bulni*